

SARS e amogela sephetho sa Kgorotsheko ya Godimo sa mabapi le BPSA

Mošupologo 4 Matšhe 2024 – Khomišinare wa Ditirelo tša Motšhelo tša Afrika Borwa (SARS), Mra. Edward Kieswetter, o amogetše sephetho sa Kgorotsheko ya Godimo, yeo e gannego kgopelo ya tumelelo ya boipiletšo ka British Petroleum of South Africa (BPSA) go lekola sephetho sa Khomišinare sa go gana ka tleime ya yona ya tefelamorago le tobo ya levi ka fase ga Molao wa Tšwetšopele ya Taolo ya Toka (PAJA).

Go molato wo, Kgorotsheko ya Godimo gape e šupeditše tsheko ya tekolo ya BPSA ya sephetho sa išapele sa Khomišinare, seo se tšeerwego go ya ka karolo ya 88(2)(a)(i) ya Molao wa Khasetomo le Motšhelophahlogae, wa 1964 (Molao wa 91 wa 1964), go tšhelediša tefelo ya tobo ya mabapi le tatofatšo ya makhura a kišontle.

BPSA e ngangišitše gore Kgorotsheko ya Godimo e be e swanetše e šupeditše boipiletšo bja mabapi le tiišetšo ya Khomišinare ya tshekong le yona. Kgorotsheko ya Godimo e ganeditše kgopelo ye ka motheo wa gore go be go se na dintlha tša kganetšano mererong ya tiišetšo ya Khasetomo eupša e be e le tobo fela.

Sephetho sa Kgorotsheko ya Godimo sa beke ya go feta ka Labone, ke ditlamorago tša kahlolelo ya peleng ya la 12 Janaware 2024 fao e gannego boipilitšo bja BPSA ka fase ga karolo ya 47(9)(e) ya Molao wa Khasetomo le Motšhelophahlogae kgahlanong le ditiišetšo tšeo di dirilwego ke Khomišinare ka fase ga Molao.

Ditiišetšo tšeo e be e le gore BPSA ga e e khwalifaye bakeng sa ditefelamorago tša metšhelo yeo e lefetšwego go makhura tšeo BPSA e a be a išitšwe ka ntle ga naga ka Zimbabwe. Se se ka lebaka la gore BPSA ga e kgone go bontšha bohlatse bja gore makhura a be a išitšwe ka Zimbabwe, goba ga e kgone go šupetša moamogedi yo a amogetšego thomelo ya kišontle ka Zimbabwe.

Khomišinare Kieswetter o laeditše maikutlo a go se kgotsofale gore kgorotsheko e file bonnete le hlalošo ya semolao mabapi le ka fao SARS e swanetšego go šomana le dikišontle tšeo di kago tša diragala. O boletše gore: “SARS e ile ya swanela ke go šomana le tiragalo ye ya dikišontle tšeo di sa kago tša go koafatša tšhelete ya naga, yeo e dirago phethagalo ditefelamorago tšeo di sa swanelago.” SARS e šoma ka thata go thuša balefela motšhelo go fihlelela boitlamo bja bona bja semolao le go nolofatša kgwebo. Le ge go le bjalo, go tlo thatafaletšwa le go lefiša balefela motšhelo ditefišo tša godimo kudu bao ba amanago le maitshwaro a go se obamele. “Se tla tšweletšwa ntle le go fiega, kgaugelo goba kgethollo,” o phethile ka go realo.

Go hwetša tshedimošo enngwe, ikgokaganye le SarsMedia@sars.gov.za